



INFORME DE LEGALIDADE DA SECRETARÍA XERAL TÉCNICA SOBRE O PROXECTO DE DECRETO POLO QUE SE APROBA A CATALOGACIÓN DOS TRAMOS URBANOS E NATURAIS DAS PRAIAS DE GALICIA.

En cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, esta Secretaría Xeral Técnica emite o seguinte,

INFORME

1. Obxecto

Constitúe o obxecto do presente proxecto de decreto a catalogación dos tramos urbanos e naturais das praias de Galicia, de acordo co mandato previsto no artigo 33.6 da Lei 22/1988, do 28 de xullo, de costas e o artigo 67 e a disposición transitoria vixésimo cuarta do Regulamento xeral de costas. Esta catalogación definirá os límites para o exercicio de competencias entre administracións autonómicas e locais e os títulos de ocupación do dominio público marítimo-terrestre.

2. Marco normativo e competencial

Conforme co artigo 27.30 do Estatuto de autonomía de Galicia, a Comunidade Autónoma galega ostenta competencia exclusiva en materia de ordenación do territorio e do litoral, urbanismo e vivenda. Así mesmo, o artigo 30 dispón a competencia exclusiva en normas adicionais sobre protección do medio ambiente e da paisaxe nos termos do artigo 149.1.23 da Constitución Española.

De conformidade co anterior, a Consellería de Medio Ambiente, Territorio e Vivenda é a consellería competente en materia de medio ambiente en virtude das competencias outorgadas no Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio, en relación co Decreto 177/2016, do 15 de decembro, polo que se fixa a estrutura orgánica da vicepresidencia e das Consellerías da Xunta de Galicia, modificado parcialmente por el Decreto 106/2018, de 4 de outubro.

A Lei 22/1988, do 28 de xullo, de costas, modificada pola Lei 2/2013, do 29 de maio, de protección e uso sostible do litoral, establece no seu artigo 3 que as praias son bens de dominio público marítimo-terrestre, e no seu artigo 33.6 dispón que regulamentariamente se desenvolverá o réxime de ocupación e uso das praias atendendo a súa natureza, delimitando os tramos urbanos e naturais das praias para o que participarán as administracións competentes en materia de ordenación do territorio e urbanismo na forma que regulamentariamente se determine.

A regulación normativa estableceuse no Regulamento xeral de costas, que no seu artigo 67 dispón que a dita catalogación dos tramos naturais e urbanos se establecerá pola Administración compe-





tente en materia de ordenación do territorio, que deberá ter en conta o carácter urbanizado ou rural dos terreos contiguos a cada un dos tramos e o seu grao de protección medioambiental.

Polo demais, e no que fai competencia para a aprobación do proxecto sobre o que versa o presente informe, a mesma correspóndelle ao Consello da Xunta, de conformidade co artigo 4.6 da Lei 1/1983, do 22 de febreiro, de normas reguladoras da Xunta e da súa presidencia, de acordo co disposto no artigo 34.5 da antedita lei 1/1983 e dos artigos 37, 38, 39 e 43 da Lei 16/2010, do 17 de decembro, de organización e funcionamento da Administración Xeral de do sector público autonómico de Galicia, e tendo en conta o disposto no artigo 1 do Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio.

3. Estrutura do proxecto normativo

O proxecto de decreto consta de un artigo no que se dispón a súa aprobación, unha disposición derradeira relativa a súa entrada en vigor e un anexo coa catalogación das praias especificando a provincia, o concello, o nome da praia, o tramo e a categoría da mesma.

4. Tramitación

O proxecto de decreto tramítase de conformidade co disposto nos artigos 40 a 44 da Lei 16/2010, do 17 de decembro. No expediente conséntase que de acordo co disposto no artigo 41.3 da Lei 16/2010, do 17 de decembro, o proxecto de orde acompáñase dos seguintes documentos, correspondentes a fase inicial da tramitación:

- Unha memoria xustificativa sobre a súa legalidade, acerto e oportunidade
- Unha memoria económica-financieira con estimacións dos costes que pida xerar e o seu financiamento
- Un informe da subdirección xeral de Réxime Xurídico, de Coordinación Administrativa e da Planificación
- Unha táboa de vixencias

De conformidade co artigo 41.4 da Lei 16/2010, do 17 de decembro, a aprobación inicial do anteprojecto como proxecto de decreto pola persoa titula da entón Consellería de Medio Ambiente e Ordenación do Territorio tivo lugar en data 8 de xullo de 2016.

En cumprimento do artigo 41.5 da Lei 16/2010, do 17 de decembro e o artigo 9 da Lei 1/2016, do 18 de xaneiro, de transparencia e bo goberno publicouse no Portal de Transparencia e Goberno Aberto, constando certificado de publicación no dito portal de data 29 de novembro de 2016. Tamén se publicou un mapa de praias do que consta certificado de publicación de data 7 de febreiro de 2018.





Na fase intermedia da tramitación, foi sometido aos seguintes trámites:

- *Trámite de audiencia:* O proxecto foi remitido para alegacións a todas as Secretarías Xerais Técnicas das Consellerías da Administración xeral da Comunidade Autónoma de Galicia, así como a outras entidades que puidesen resultar interesadas. Tamén se enviou a todos os concellos costeiros das tres provincias que lindan co mar. Consta no expediente a xustificación do tratamento das alegacións recibidas, asinadas pola directora xeral de Ordenación do Territorio e Urbanismo de data 6 de novembro de 2017.

Tras seren advertidos algúns erros neste primeiro trámite de audiencia, levouse a cabo un segundo trámite no que se volveu a dar audiencia aos concellos afectados e ao ministerio competente en materia de réxime de ocupación e uso das praias. Consta no expediente a xustificación do tratamento das alegacións recibidas neste novo trámite, asinadas pola directora xeral de Ordenación do Territorio e Urbanismo de data 16 de xaneiro de 2019.

- *Informe e ditames:* Durante a tramitación pronunciáronse sobre o proxecto os seguintes órganos:
 - Informe de impacto de xénero da Secretaría Xeral de Igualdade de data 7 de novembro de 2017.
 - Informe de sostibilidade financeira da Dirección Xeral de Planificación e Orzamentos de data 10 de novembro de 2017.
 - Informe da Dirección Xeral de Avaliación e Reforma Administrativa de data 8 de novembro de 2017.

Na fase final da tramitación, o expediente remítese ao preceptivo informe da Asesoría Xurídica da Xunta de Galicia, emitíndose o informe en data 29 de maio de 2018.

En cumprimento do disposto no artigo 43.3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o proxecto someterase a aprobación da persoa titular da Consellería de Medio ambiente, Territorio e Vivenda.

De conformidade co exposto, esta Secretaría Xeral Técnica informa favorablemente o proxecto de decreto polo que se paraba a catalogación dos tramos urbanos e naturais das praias de Galicia previamente á súa remisión ao Consello Consultivo de Galicia

Santiago de Compostela, 18 de xaneiro de 2019

A secretaria xeral técnica

Carmen Bouso Montero



